

## OGP-ის მმართველი კომიტეტის არჩევნები და საქართველო

16 ივლისი, 2014

2014 წელს ღია მმართველობის პარტნიორობის (OGP) მმართველი კომიტეტი პირველად დაკომპლექტდება არჩევნების გზით. იმ სახელმწიფოებს შორის, რომლებიც არჩევნებში მონაწილეობენ აღნიშნული პოზიციების დასაკავებლად, საქართველო პირველად იყრის კენჭს.



ამ საკითხზე IDFI-ს მიერ გამოქვეყნებული სტატია ასევე ეხება 2014-2015 წლების სამოქმედო გეგმაში გაწერილ ამბიციურ მიზნებსა და პროექტებს, მათ შორის იმ საკითხებს, რომელშიც IDFI აქტიურად მონაწილეობს- ინფორმაციის თავისუფლების აქტის მიღება, მოქალაქის პორტალი – ICHANGE.GE, ღია მონაცემების პორტალი და ელექტრონული

არქივები, რაც შესაბამისად ზრდის საქართველოს შანსებს OGP-ის ფარგლებში.

### [იხილეთ ბმული](#)

## სამოქმედო გეგმა და შემუშავებული რეკომენდაციები

5 აგვისტო, 2014

IDFI, სხვა არასამთავრობო ორგანიზაციებთან და მთავრობასთან ერთად, აქტიურად იყო ჩართული ღია მმართველობა საქართველოს 2014-2015 წლების სამოქმედო გეგმის საბოლოო ვარიანტის კოორდინირებულ შემუშავებაში. სამოქმედო გეგმაში გათვალისწინებულია ისეთი საკითხები როგორცაა მოქალაქის პორტალი, ICHANGE.GE-ს შექმნა, მიყურადების შესახებ კანონმდებლობის გაუმჯობესება და პროაქტიული გამჭვირვალობა, შსს სტატისტიკური მონაცემების ხელმისაწვდომობის გაუმჯობესება და არქივების გამჭვირვალობა.

ღია  
მმართველობა  
საქართველო

### [იხილეთ ბმული](#)

## საქართველო OGP-ს მმართველი კომიტეტის წევრია

7 აგვისტო, 2014

4 აგვისტოს ცნობილი გახდა ღია მმართველობის პარტნიორობის მმართველი კომიტეტის არჩევნების შედეგები, რომელის მიხედვითაც საქართველო პირველად გახდა კომიტეტის წევრი 2 წლის ვადით. აღსანიშნავია რომ 2014 წელს ღია მმართველობის პარტნიორობის (OGP) მმართველი კომიტეტი არჩევნების გზით პირველად დაკომპლექტდა და აღნიშნული პოზიციების დასაკავებლად საქართველომ პირველად მიიღო მონაწილეობა არჩევნებში.

### [იხილეთ ბმული](#)

# გიორგი კლდიაშვილი OGP-ს მაღალი დონის შეხვედრაზე

24 სექტემბერი, 2014

24 სექტემბერს, IDFI-ს დირექტორი გიორგი კლდიაშვილი გაეროს გენერალური ასამბლეის ფარგლებში გამართული ღია მმართველობის პარტნიორობის (OGP) მაღალი დონის შეხვედრას დაესწრო, ხოლო ფორდის ფონდში გამართულ სამოქალაქო საზოგადოების ლიდერების შეხვედრაზე კი სიტყვით გამოვიდა. თოქშოუში ასევე მონაწილეობდნენ ისეთი საერთაშორისო ორგანიზაციის ხელმძღვანელები, როგორცაა თავად ფორდის ფონდი, CIVICUS, საერთაშორისო გამჭვირვალობა, ბუნებრივი რესურსების მართვის ინსტიტუტი (NRGI) ოქსფამი (OXFAM INTERNATIONAL) და TWAVEZA.



იმავე საღამოს, გაეროს გენერალური ასამბლეის ფარგლებში OGP-მ 11 ქვეყნის პირველ პირს, 30 მინისტრსა და სამოქალაქო საზოგადოების 300-ზე მეტ წარმომადგენელს უმასპინძლა. 9 სახელმწიფოს ლიდერმა საკუთარი სიტყვა წარმოთქვა, მათ შორის იყო საქართველოს პრემიერ მინისტრი ირაკლი ღარიბაშვილი. მან 2014-2015 წლების სამოქმედო გეგმით აღებულ ვალდებულებებზე ისაუბრა.



## იხილეთ აგრეთვე

### შეხვედრები OGP-ს თემაზე

24 სექტემბერი, 2014

IDFI-მ სექტემბრის თვეში OGP-ს შესახებ 5 სამუშაო შეხვედრა გამართა [სტუდენტებთან](#) და [მედიის წარმომადგენლებთან](#). ორგანიზაციის წარმომადგენლებმა ისაუბრეს, თუ როგორ მუშაობს ღია მმართველობის პარტნიორობა (OGP) რა პროექტები განახორციელა მთავრობამ წინა სამოქმედო გეგმის ფარგლებში და რა ვალდებულებები აიღო მთავრობამ.



ოქტომბრის თვეში IDFI-ს წარმომადგენლები შეხვდნენ [აკაკი წერეთლის უნივერსიტეტის, თსუ-ს, ჯიპას სტუდენტებს](#). 11 ოქტომბერს უსტიციის სამინისტროსთან ერთად მედიის წარმომადგენლებისთვის გაიმართა [დისკუსია](#) ასევე, IDFI და GYLA [შეხვდნენ](#) არასამთავრობო ორგანიზაციებსა და მედიის წარმომადგენლებს და ინფორმაციის თავისუფლების პრობლემურ საკითხებზე იმსჯელეს. დისკუსია USAID-ის პროგრამის „კარგი მმართველობა საქართველოში“ (G-3) ფარგლებში დაფინანსებული პროექტის ნაწილს წარმოადგენდა.

ინფორმაციის თავისუფლების პრობლემურ საკითხებზე იმსჯელეს. დისკუსია USAID-ის პროგრამის „კარგი მმართველობა საქართველოში“ (G-3) ფარგლებში დაფინანსებული პროექტის ნაწილს წარმოადგენდა.

INSTITUTE FOR DEVELOPMENT OF  
FREEDOM OF INFORMATION



Address: 3, Griboedov Street, Tbilisi, 0108, Georgia.

Contact: [info@idfi.ge](mailto:info@idfi.ge) | 00 995 322 921514

Web: [www.idfi.ge](http://www.idfi.ge) | [www.opendata.ge](http://www.opendata.ge) | [Research](#)